

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-591/2016
Sarajevo, 29.3.2017. godine

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

| | | | |
|----------------------|--------|---------|------------|
| Priljeno: 29-03-2017 | | | |
| Org. jed. | Broj | Priloga | Vrijednost |
| 02-02 | 948/16 | | |

10x

**PARLAMENT FEDERACIJE
BOSNE I HERCEGOVINE**

- Dom naroda-
gđa Lidija Bradara, predsjedavajuća

VRLO HITNO

PREDMET: Izjašnjenje Vlade Federacije Bosne i Hercegovine

Poštovana,

U skladu sa članom IV.B.3.7.c) (III) Ustava Federacije BiH, a u vezi sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine, koje su podnijeli: Sanel Mušović (jedan amandman) i Edin Forto (tri amandmana), delegati u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 97. sjednici, održanoj 29.3.2017. godine.**

S poštovanjem,



Prilog: kao u tekstu

Co: **Federalno ministarstvo pravde**
gosp. Mato Jozić, ministar ✓

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u vezi sa članom 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine, koje su podnijeli: Sanel Mušović (jedan amandman) i Edin Forto (tri amandmana), delegati u Domu naroda Parlamenta Federacije BiH, Vlada Federacije Bosne i Hercegovine je, na 97. sjednici, održanoj 29.3.2017. godine, utvrdila sljedeće:

IZJAŠNENJE

na amandman na Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine, koji je podnio Sanel Mušović, delegat u Domu naroda Parlamenta Federacije BiH

AMANDMAN

U članu 6 Prijedloga zakona o izmjenama i dopunama Zakona o izvršenju krivičnih sankcija u FBiH, a koji se tiče izmjena člana 232 Zakona o izvršenju krivičnih sankcija u FBiH, pored izmjena stavova 1, 5, 6 i 7, dodaje se i izmjena stava 4, koja glasi:

U stavu 4, u trećem redu iza riječi „u Sarajevu“ umjesto teksta „sa odjeljenjem u Ustikolini i općini Pale-Prača“, treba da stoji: „a odjeljenje pri Kazneno-popravnog zavodu Sarajevo u Ustikolini nastavlja sa radom kao Kazneno-popravni zavod poluotvorenog tipa u Foči u FBiH“.

IZJAŠNENJE

Amandman se ne prihvata **Obrazloženje**

Završen je idejni projekt izgradnje - dogradnje za potrebe Kazneno - popravnog zavoda Sarajevo na već postojećem objektu Igman čime se stvaraju preduslovi za izmještanje Kazneno-popravnog zavoda Sarajevo iz Sarajeva.

Do potpune realizacije tog projekta bilo bi neracionalno uspostavljanje nove organizacione jedinice Kazneno-popravnog zavoda poluotvorenog tipa u Foči u FBiH, kao i neopravdano s finansijskog aspekta izdvajanje sredstava za istu, kako je to predloženo predmetnim Amandmanom.

IZJAŠNENJE

na amandmanima na Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine, koje je podnio Edin Forto, delegat u Domu naroda Parlamenta Federacije BiH

AMANDMAN I

U članu 4. stavu 1 se mijenja i glasi:

„Direktor kazneno-popravnog zavoda može imati najviše dva pomoćnika.“

IZJAŠNENJE
Amandman se ne prihvata
Obrazloženje

U članu 4. stav 1. Prijedloga zakona nije izričito propisan broj pomoćnika direktora kazneno-popravnog zavoda iz razloga što će isti zavisiti o kapacitetu i obimu poslova zavoda te će se odrediti pravilnikom o unutrašnjoj organizaciji i sistematizaciji radnih mjesta. Ovu odredbu potrebno je posmatrati i u vezi sa članom 2. stav 2. Prijedloga kojim je propisano da će federalni ministar pravde donijeti poseban propis o pravilima unutrašnje organizacije kazneno-popravnog zavoda s ciljem postizanja jednoobraznosti organizacije kazneno-popravnih zavoda, pri čemu će se voditi računa o racionalizaciji svih radnih mjesta a posebno rukovodećih i postizanju finansijskih ušteda.

AMANDMAN II

„Član 5. se briše.“

IZJAŠNENJE
Amandman se ne prihvata
Obrazloženje

Član 5. Prijedloga zakona sadrži odredbu kojom se mijenja raniji član 133. ZIKS FBiH. Predloženom odredbom je propisano da se na zaposlenike zavoda shodno primjenjuju odredbe Zakona o državnoj službi i provedbeni propisi koji su doneseni na temelju tog zakona. Staro zakonsko rješenje propisivalo je shodnu primjenu Zakona o radnim odnosima i plaćama službenika organa uprave u Federaciji Bosne i Hercegovine („Službene novine Federacije BiH“, broj 13/98) i odavno je derogirano stupanjem na snagu novih propisa o državnoj službi, nezavisno o Zakonu o izmjenama i dopunama Zakona o državnoj službi u Federaciji Bosne i Hercegovine iz 2015. godine.

AMANDMAN III

„Član 8. se briše.“

IZJAŠNENJE
Amandman se ne prihvata
Obrazloženje

Predloženim rješenjem iz odredbe člana 8., rješava se radno pravni status direktorima i zamjenicima direktora koji su zatečeni u mandatu na dan stupanja na snagu ovog Zakona na način da se, ukoliko im mandat ne bude obnovljen s danom isteka mandata raspoređuju na radno mjesto unutar kazneno-popravnog zavoda koje odgovara njihovoj stručnosti i kvalifikacijama. Budući da je ovakvo raspoređivanje moguće samo ukoliko je takvo radno mjesto sistematizovano u pravilniku o unutrašnjoj organizaciji i sistematizaciji kazneno-popravnog zavoda, nema dodatnog opterećenja Budžeta. Rješavanje radno-pravnog statusa direktora i zamjenika direktora zatečenih u mandatu danom stupanja na snagu ovog Zakona, na način propisan članom 8. Prijedloga zakona sukladan je odredbama Zakona o državnoj službi u Federaciji Bosne i Hercegovine kojim je određeno da se na državnog službenika u slučaju prestanka radnog odnosa primjenjuju odredbe o prekobrojnosti, a sukladno kojima se državni službenik može rasporediti na slično upražnjeno radno mjesto.

V. broj: 460 /2017
29.3.2017. godine
Sarajevo

